

आकाशवाणी

खबरां नाटयपाल सिंह कोला

1. प्रधानमंत्री नरेन्द्र मोदी होरें रक्षा मंत्री ते होरनें वरिष्ठ अधिकारिणं कन्नै कल उच्ची सतह दी सुरक्षा बैठक दी प्रधानता कीती।
2. न्यामूर्ति बी.आर गवई 14 मई गी अगले मुख न्याधीश दे तौरा पर अपना औहदा साम्भडनं
3. गंगोत्री ते यमनोत्री दे पवित्र कपाट खुलने कन्नै गै चार धाम जातरा 2025 अज्जै थमां शुरू होई जाग।
4. कोलकाता दे इक होटल च अगग लग्गने आहली दुर्घटना च 14 जनें दी मौत।
5. भारत ते अमरीका बश्कार दपक्खी समझौतें बारै कारोबारी गल्लबात कन्नै सकारात्मक प्रगति आवा'रदी ऐ।
6. एशियाई खेड़ें 2026 च MMA दा आगाज ते क्रिकेट गी परतियै शामिल कीता गेआ ऐ।

<><><><><><>

Gavai

सुप्रीम कोर्ट दे न्यामूर्ति भूषण रामकृष्ण गवई भारत दे अगले मुख न्याधीश होडन। केंद्री विधि ते न्यास मंत्री अर्जुन राम मेघवाल होरें दस्सेआ जे राष्ट्रपति द्रौपदी मुर्मू होरें न्यामूर्ति गवई होरें गी मुख दा अगला मुख न्याधीश नियुक्त कीता ऐ। उंदी नियुक्ति 14 मई थवां प्रभावी होग। न्यामूर्ति गवई मुख दे 52में मुख न्याधीश होडन। ओह न्याधीश न्यामूर्ति संजीव खन्ना हुंदी थाहर लैडन जेड़े अगले महीने दी 13 तरीक गी पिंशनी होआ रदे न।

<><><><><><>

Char Dham Yatra

अक्षय तृतीया दे मौके उपपर अज्ज उत्तराखंड च चार धाम जातरा दी शुरुआत होग। इस मौके उपपर उत्तरकाशी जिले च गंगोत्री ते जमुनोत्री मंदिरें दे कपाट खोले जाडन। मुकबा गांस च 6एं महीनें दे शीतकालीन प्रवास दे परैन्त कल मां गंगा हुं' दी पालकी गी गंगोत्री धाम लेई रवाना कीता गेआ।

पालकी जं' दी रातीं भैरवघाटी स्थित भैरव मंदिर च विश्राम लेई रुकी। मां गंगा दी उत्सव डोली अज्ज बड़लै भैरव घाटी दे भैरव मंदिर थमां गंगोत्री लेई रवाना होई। गंगोत्री धाम दे कपाट परंपरागत प्रार्थना ते वैदिक मंत्रोच्चार दे कन्नै अज्ज बड़लै साढे 10 बजे खोले जाडन। इस्सै चाल्ली परंपरागत रीतिरिवाज दे कन्नै जमुनोत्री धाम दे कपाट अज्ज दिनै 11 बज्जियै 55एं मिनट पर खोले जाडन। जदके केदारनाथ धाम दे कपाट शुक्रवारें ते बद्रीनाथ धाम दे कपाट ऐतवारें खोले जाने न।

<><><><><><>

Kolkata-Fire

पच्छिम बंगाल दे कलपट्टी मछुआ कोल इक्क होटल च रातीं अग्ग लग्गी जाने करी करीब 14 लोकें दी मौत होई गई। पुलसै दस्सेआ जे 14 लोथां बरामद करी लैतियां गेइयां न ते केइएं गी बचाया गेआ ऐ। अग्ग दी एह घटना कल रातीं करीब सवा 8 बजे पेश आई। अग्ग लग्गने दी बजह दा अजें तगर पता नेई लग्गा ऐ। घटना दी जांच लेई इक्क विशेष टीम दा बी गठन कीता गेआ ऐ। एहदे थवां पैहले केंद्री मंत्री ते पच्छिम बंगाल च भारतीय जनता पार्टी दे अध्यक्ष सुकांत मजूमदार होरें राज्य प्रशासन गी प्रभावित लोकें गी बचाने लेई फौरी कार्रवाई करने दा आग्रह कीता हा।

<><><><><><>

5th Trump India

अमरीका दे राष्ट्रपति डोनाल्ड ट्रम्प होरें आखेआ ऐ जे भारत कन्नै टैरिफ दे मामले पर खरी गल्ल होआ रदी ऐ ते दौनें मुख्य बंशकार तौलें गै बपार समझौता होग। मिशिगन च इक रैली थवां पैहले कल रातीं व्हाइट हाउस दे बाहरें उनें संवाददाताएं गी एह जानकारी दिती। एहदे थवां पैहले इस हफ्ते अमरीका दे वित मंत्री स्कॉट बेसेंट होरें बी इस गल्ला दी तस्दीक कीती ही जे भारत अमरीका कन्नै बपार समझौते पर दस्तखत करने आहला पैहले मुख्य होई सकदा ऐ। भारत ते अमरीका नै फरवरी च बपार समझौते दे पैहले गेढ़ दे सिलसिले च गल्लबात शुरू कीती ही। इस बरे दे खीरें तगर खीरी रूप दिते जाने ते दपक्खी बपार गी 2030 तगर 500 अरब डॉलर कीते जाने दा लक्ष्य ऐ।

<><><><><><>

Jaishankar-UAE

विदेश मंत्री डॉ. एस जयशंकर होरें संयुक्त अरब अमीरात दे उप प्रधानमंत्री ते विदेश मंत्री शेख अब्दुल्ला बिन जायद अल नाहयान हुंदे कन्नै गल्लबात च उंदी सराहना कीती। डॉ. जयशंकर होरें

सोशल मीडिया पोस्ट च आखेआ जे उनें आतंकवाद दे सारे रूपें ते अभिव्यक्तिएं दा असरदार ढंगें सिर मुकाबला करने दी जरूरता पर चर्चा कीती।

<><><><><><>

EAM-UN

विदेश मंत्री डॉ. एस. जयशंकर होरें गी संयुक्त राश्ट्र दे महासचिव एन्टोनियो गुतेरेस होरें फोन कीता ते पहलगाम च होए दे आतंकवादी हमले दी निंदा करने पर सराहना कीती। गल्लबात दौरान उनें इस हमले दी जिम्मेदारी तैय करने बारे सहमति जाहर कीती। इक सोशल मीडिया पोस्ट च डॉ. जयशंकर होरें आखेआ जे इस हमले दे साजिशकर्ता, समर्थक ते अंजाम देने आहलें गी पक्क गै सजा दिती जाग।

<><><><><><>

Maha-Pahalgam

महाराश्ट्र दे मुख्यमंत्री देवेंद्र फडणवीस होरें पहलगाम आतंकवादी हमले च जान मुआने आहले महाराश्ट्र दे लोकें दे घर आहलें गी 50-50 लक्ख रपे दी माली सहायता देने दी घोषणा कीती ऐ। मुम्बई च अज्ज महाराश्ट्र मंत्रिमंडल दी इक बैठक होई। सरकार नै पीड़ितें दे परिजनें लेई शैक्षणिक ते रोजगार सहायता दा आश्वासन दिता ऐ।

<><><><><><>

IMD

मौसम विभाग नै अज्ज ओडिशा, असम ते मेघालय च बक्ख-बक्ख थाहरें पर तेज बरखा दा अनुमान जाहिर कीता ऐ। अगले 2-3 दिनें च दिल्ली, हरियाणा, चंडीगढ़, उत्तराखंड, तेलंगाना, उत्तरी आंतरिक, कर्नाटक, विदर्भ, छत्तीसगढ़, पच्छिम बंगाल ते सिक्किम दी किश थाहरें पर गरज कन्नै बरखा ते तेज हवा चलने दे असार न।

<><><><><><>

IMD

2026 दे एशियाई खेड्डें च क्रिकेट गी बरकरार रखेआ गेआ ऐ जिसले कि Mixed Martial Arts पैहली बारी शामिल होने लेई तैयार ऐ। एशियाई खेड्ड 2026 जपान दे आइची ते नागोया प्रांत च 19 सितंबर सोयां 4 अक्टूबर तगर आयोजित कीते जाडन। एशियाई खेड्डें च क्रिकेट गी चौथी बारी शामिल कीता गेआ ऐ।

<><><><><><>